

建始縣志卷之一

知建始縣事袁景暉纂修

星野志山川

星野之說後世言灾祥者多宗之始實濫觴於左氏傳中其理非無稽顧往往言人人殊而離析乖隔靡有折衷建之為邑舊志所謂翼軫分野者豈篤論歟為考辨而更定之而疆域山川形勝附焉

志星野

封域皆有分星其說見於周官或繫之北斗或繫之五

建始縣志

卷之一 星野

一

星要皆其可驗者十二辰所屬而已建始分野昔人解以翼軫此殆據唐書天文志自房陵白帝而東之說也竊思白帝而東謂郢都羅巴江陵峽歸澧郢等處則然謂建始則不然建在夔南而以位乎東者配之野之不定星何由而準耶即翼軫屬楚亦大概言之如德安府之隨州襄陽府之光化實居張分何有於建長沙府應軫旁之小星故曰長沙且不得統以翼軫分又何有於建建本蜀地楊升菴成都省志曰綿州觜分合州參井分餘皆井鬼分前明天文志引以為斷是時建尚隸蜀

則井鬼之說從長即今歸楚又豈得以翼軫例之耶矧一為鶉首之次井九度至柳三度也一為鶉尾之次張十六度至軫九度也部署分明烏容錯置或謂翼軫之分蜀不得以混楚井鬼之分蜀胡為而附秦不知秦可該蜀談天文者若孔賈馬鄭諸儒皆合併為言况蜀之名至秦誓而始見而鶉首為雍梁二州實分一宿僧一行固已言之鑿鑿且星有廉及者彰德渾源境分豫晉而昴畢同垣彼與此不必分也青萊膠登悉屬齊疆而虛危判舍彼與此有必分也即以翼軫論鬱林合浦暨

黔安之左皆其光輝所被詎得泥遠近之見以相衡哉縱謂吳越南而星紀在丑魯東而降婁在□秦西而鶉首在未趙北而大梁在西亦有相反而相屬者但此以主杞言非因分國寶有分星州伶鳩之議鄭漁仲已辭而闕之矣載稽西法列宿七十年有竒退一度退則移宮信如法亦必二千一百餘年而宮始移豈有置目前之星象不論而懸擬二千一百餘年之推遷且安知其所移者何宮而顧以翼軫當之耶其亦謬悠之甚矣又擬蜀楚之交至井鬼之十二度終自翼之十度入厯考

之分星分野雖壤地相錯皆不紀分謂逾建即翼之分野可也謂楚蜀之交翼與井鬼合不可也夫翼言三公軫主宰輔昔賢謂非一郡一邑之占持論固拘於墟然惟有定野斯有定星有定星斯有定度星度定斯徵應不淆建之為野梁州之域也其星井鬼也而度則鬼也□史志觀之明白曉皙無可疑者雖井宿中之軍井十三星今祇存五鬼中之外厨六星今亦祇存五而其宿固懸象而著明焉以上原文天文之義遠哉微矣休咎之徵必執分野以求其說似近於鑿然舍是以占休咎又涉於

建始縣志

卷之一 星野

三

泛渺蓋自黃帝以來周髀宣夜渾天玉衡之制作而後世言天文者得祖焉周官太史氏登靈臺書雲物以察機祥下逮列國如梓慎游吉向戌之徒覘星分野吉凶占驗合如符節此最彰明較著者也顧星術之義有理有數有順有逆有遲留有隱見其災祥休咎之徵有驗有弗驗者且有遲之又久而後驗者則又未可專主分野之一端也余不解天文而心竊好之間嘗握管以窺矣猶能撮指其大旨之所存考唐書地理志稱施叙獎夷為鶉尾分荊州府志云由施州溯瞿塘諸衛其地跨

梁益屬巴郡參八度井鬼相接之鄉而荆其餘分夔州府志云厥宿翼軫厥次鶉首厥星熒惑厥斗衡皆其分野宋氏府志稿云地固楚星亦楚謂翼分野則可惟以巴東為入翼十度則施郡分野不明諸說紛紜迄無一定今以七政經緯攷之翼初度在巳宮之二十一度翼十六度入辰宮之八度軫初度至十二度均屬辰宮至二十一度而已交於角夫洪都分野星屬翼軫正當辰巳之交南嶽正當午位建平巴東均在南嶽以西而謂其分星位占辰巳非確論也說者又謂鶉首之次其辰

建始縣志

卷之一

星野

四

未者即屬井鬼攷鬼初度已入午宮三度與未無涉惟荆州府志謂度占參八度井鬼相接之鄉其說近是然謂參井相接則可謂井鬼相接又不可蓋井度最長井初度在未三度井十三度入午三度施一郡分野勢不能跨井鬼四十餘度之長况踰辰巳之位乎附質臆見於此以俟博雅君子一教正焉

光山袁景暉附質

山川志

建邑環境皆山也水多伏焉烏乎誌誌其靈日異者誌其遠且大者矧雨雲出降祀典關焉清淑孕毓英傑生焉前志抄本已詳矣茲謹就歷覽所經諮謀所及為表而彰之以紀一邑之勝焉志山川

文山一名筆架山俗呼龔家嵯明都憲林俊改名
景陽山在縣南十里
鳳冠山在縣西南五里

建始縣志

卷之一 山川

五

連珠山在縣西南十里
龍山在縣西北二十里玉峯禪師卓錫處
五老山在縣北十五里
文殊山在縣北十里
紅土坪在縣西北二里
松樹坪在縣北五里
麒麟山俗名鮑家崖在邑北半里環如屏障
慶雲山在縣東北俗名煙燉山
石乳山在縣西北五里一名石鼓山其下為石乳門

翠屏山在縣治東門外即文治山
鰲背山在縣東南八里上建寶塔

尊經山在縣治東南三里

祿山在縣東二十里上多鳥獸

銀山在縣東三十里石壁峻峭色白如銀俗呼把繫沱
後山

州基山在縣東南三十里隋置業州於此

涼風崖在縣東南三十里

汪家寨在縣東南三十里峭壁巉崖產猴子

建始縣志

卷之一 山川

六

藥山在縣西七十里俗名五十二里壩出黃蘗黃建木
通貝母諸藥

當陽山在縣北四十里每日光初出映照崖上因名

獅子巖在縣北六十里

二線崖山勢陡削一徑如線在縣北八十里

千丈崖在縣北七十里

大岩嶺在縣北一百三十里舊有縣丞衙署

關口崖在縣東南一百三十里下臨清江

大石板在關口崖西十五里

五花寨在縣南一百五十里

虎鷄嶺在縣東南二百九十里

以下志川

廣潤河俗名大河在城南門外源出縣西北當陽壩羣山崱屺峭壁嵌空泉從山罅懸注而下俗呼紅岩水流漸遠羣溪湊之經龍子晏公塘由縣城西南遶而東行與米水河會又城東與指陽河會又南與交養河會又東南二十餘里入馬水河

米水河在縣西十五里自石洞流出若米汁色然故名交養河俗名小河自貓兒坪觀音岩發源至馬欄溪遶

建始縣志

卷之一山川

七

朝陽觀山下東行與廣潤河會

茨河發源紅土坪在縣西北二里山下為泉泉水溢出為溪他水渾此獨清自城西北遶城西南入大河

石乳河發源石乳山一名石鼓山下為石乳門自徐家溝東南流自鮑家崖山南遶近城垣東與支瀆河會支瀆河自縣西北麻城寺石洞流出東南至城東與石乳廣潤諸水會合

兩溪河在縣北自蒲潭溪折西北流有桐木溪自西來會又南有木瓜河會二水自西北流故曰兩溪河亦名

兩會口八景中所謂兩溪春漲也曲折東流與縣前河會

龍駒河口出石乳關巫建兩邑交界舊志以為石耳關河自石乳關東流為太陽河經麂子渡下始名為龍駒河又東流至大沙河下會南里渡入清江河大沙河即馬水河下流也至此則建邑西北之水盡會矣

河水坪河源出治東望坪下名東路河始可濫觴流三十餘里經三里壩河水坪地稍平衍水面漸寬又數里至鷹觜觀山下山開豁若門水平流入之捕魚者可循

建始縣志

卷之一 山川

八

崖而進入稍深底下陷水懸注俗呼落水洞人跡不能到矣潛行約二三里自山南出與馬水河下流合入清江河

毛茸河源出治東龍潭坪南流為枝津河下為毛茸河至巴東桃符口入清江河

清江河出四川石龍關東山東南曲流百餘里又東至忠孝司北有二水並來會北流至火舖塘伏焉北出於重山折而東又東數十里至恩施北境合龍馬河大河平溪諸水南流又東南折而東北經三岔口塘施南司

東鄉司北也邇二里餘 又東入建始境龍駒河自西北來挾境內諸小水來注勢大盛建邑河皆淺狹多灘口罔施舟楫惟茲河乘其舳艫至長陽易以大艦過宜都城西北合西南來之漢洋河入大江自發源至此曲行八百餘里受諸縣水無數

羊乳河在縣東北一百里

五家河在縣東南二百四十里兩崖黑石嵌空羣泉噴湧

茶寮河在縣治東南二百九十里與鶴峯州連界

勝蹟

朝陽觀在縣治西三里觀居山巔山聳峻磴道隘而險
徒步數憩始得上極目遠視闔邑諸山皆若培塿俯瞰
縣城萬瓦鱗萃瞭如指掌他山太高輒患枯竭而茲山
頂水田冬夏源泉不涸亦足異也石通洞在朝陽觀山
下大山中空門當山麓穹窿如屋入門左旋而上逶迤
曲折可容數百人洞頂豁開仰見天日他洞沮洳此獨
燥他洞幽暗此獨明右壁鑿床游人多攜飲具趺坐吟
咏其上覺塵氛迥隔也壁間鐫涪翁二字畧可辨識相

建始縣志

卷之一

勝蹟

十

傳黃魯直貶涪洲日弟嗣直令巫山來視因遊斯洞故
邑人詩多及之然洞中無山谷題咏也

石門在縣治東一百二十里巨若礪碾下臨絕澗人穿
石中石壁若柱若楣儼然圓扉焉出門右石壁穹窿上
覆如屋垂雷乾隆三十九年撫憲陳公因石壁作寺塑
佛像前裝櫺榻莊嚴幽奧疑自靈鷲飛來立寺外望隔
岸白石如虎伏諺謂石門對石虎也兩岸側聳巉巖陸
削由西北折迴而下踰澗復折迴而上約七八里澗底
有石橋名石曼橋橋上有亭今廢憩坐其中望兩岸懸

岩萬仞煙霧迷漫林木陰翳仰視天光一縷泉瀉瀉流亂石間令人骨悚魂驚殆別有天地非人間矣東岸上廟名對佛寺四十三年制府王公創修供佛觀與西岸寺俱稱勝境云

關口距縣治東南一百三十里下臨清江河河北山綿亘數十里疊嶂層巒峭壁懸絕猿獠愁度中有大石聳峙若門名曰關口出口僅一綫之道左紆右折而下騎輿難施自口至河濱約十五里明季居人累木石於上以防寇賊

建始縣志

卷之一

勝蹟

十一

望坪在城東距城百二十里建邑峯巒櫛比或數里或十數里之平則曰坪如七里坪河水平是也人行山中偶遇夷曠則心目開朗而茲坪境尤奇勝畦畦比連棕柳間映頗似江南風景坪中崛起石峯山脚周圍不三里而岩巖直接霄漢外山環為垣墉中峯則孤撐一柱也唐張友送王龜齡守夔詩有此行經業州飽看峯一柱殆指此歟峯頂有廟有故明嘉靖年間建碑

三角椿在縣治北八十五里為建捧奉巫三縣界山高□而北下尤峻崖石偃仄不能展步俯瞰虛空數武一

折地係至大溪負鹽通衢往來者莫不患其危仄也
廣福橋距縣八十里係施南驛道凡官府往來莫不於
此駐旌焉左有一山旁繞羣峯澗水下環自遠望之形
體宛肖獅子前去半里許陡起小峯圓轉如毬土人因
呼之曰獅子滾毬

朝陽洞距城九十里東鄉驛路旁洞在山巔中有佛寺
相傳有飛來石像祖師其景天然如繪

燕子龕在縣東距城七十里山勢蜿蜒林木陰翳清泉
繞流其下中有洞口如門不數步石級層層藤蘿覆壓

建始縣志

卷之一

勝蹟

十二

風雨不能侵磊落光明其形如龕每歲燕至常棲宿於
茲迨燕去級中各有燕巢數十居人時聞呢喃之聲
獅子灘在縣西門外有飛來鐘一口沉水底夏間溪人
多見之鐘大丈餘其色光潔上有綠毛洪波洶湧有時
自鳴土人以此卜陰晴焉

寶塔在東南山麓相傳建自宋時高十丈餘歷階而升
上有五層由石門入飛簷磔樓奘然獨立四山環繞左
右中峯倚日誠鉅觀也

以上□

滴水洞有三孔其一如綫下垂其一如瀑布驚飛其一

如甘露下滴有天生石臼仰承俯注仍入地中在縣治東南一百九十里

小石門在縣治東南一百三十里兩水交流自洞口入伏而不見

大紅寨其西一面橫嶺聯雲隱然如城廓下有九曲水其西北山麓建有文昌閣係向氏修

大石板在關口崖西二十里石磴排空盤迴奧折險境也西溪發源獅子巖紆迴流二十里至上埧舖西二里黑巖頭銜枚而出是為東溪中有魚泉繚而曲窈而深又

建始縣志

卷之一 勝蹟

十三

東流至摘星橋清淺活潑潺湲有聲橋上往來行人恒酣憇而觀聽焉盤龍山九孔洞東瓜寺一帶繚繞南則土地平曠良田數十頃人烟稠密沙鷗翔集洋魚沉浮所溫汾者滌汙者未嘗三日絕春夏之交遇山水暴漲上擊下律訇隱匈磕則卹然足以駭矣

東瓜寺東北二里其山曰黃山下有小穴深三四尺許中生碧石長而圓根蒂天然的皜若東瓜形故其傍溪曰東瓜溪寺曰東瓜寺

涼風洞在遼葉山距上埧舖西五里高十餘里路極曲

險山半有一洞口僅可容膝暑月以手揮之涼風洒然
土人名曰涼風洞

靈泉在畫眉洞旁邑人禱雨輒獲靈應道光二十一年
新建碑誌

蓮花洞在縣北四十里石臼駟

朝陽觀一名天池寺池在寺後冬夏不竭余名其山曰
鳳冠山山足聳削而頂平林木葱蔚俯視城郭儼如畫
圖其大殿塑

觀音大士聖像

道光辛丑仲秋

暉 恭送匾額曰

慈雲徧覆

建始縣志

卷之一

勝蹟

十四

其外一間塑

關聖帝君聖像其山門暉敬顏其額曰邑南勝境其東
淨室一間題曰小蓬萊僧人趺坐處題曰了然清淨

方輿志

建邑西連蜀界巫山奉節東接巴疆南屬施郡四達之國也逾年

上憲經臨督學憲星使絡繹雖僻處萬山中亦繁劇

之區也志方輿而形勝附焉

縣在府治東北一百二十里在省城西南一千八百七十里至京師三千六百里東至野山河與巴東縣交界距縣一百二十里東南至清江河南雙土地廟距縣治一百四十里與恩施交界又東南至鶴峯州虎鷄嶺交

建始縣志

卷之一 方輿

十五

界距縣治二百九十里西南至龍駒河與恩施交界距縣治三十里又西南十五里至貓兒坪又西至麂子渡距縣治三十里與恩施交界西北至四川夔州府奉節縣三角樁分界距縣治八十五里北至四川巫山縣石嶺交界距縣治一百二十里東北至龍潭坪一百六十里左至茅湖坡二十里與巫山交界右至三院子與巴東連界東西距一百九十里南北距四百四十里周圍一千零五十五里

形勝

建邑城池形勝說

建邑萬山稠疊如海濤怒立突兀恢竒莫可名狀大約
自縣西北之三角樁巫建奉三起頂劈分三枝其右由

當陽龍門子石耳關貓兒坪循龍駒河而南至馬口河

止焉此西行一節龍身較短其左由銅鼓凸大岩嶺二

線岩毛田東至龍潭坪中抽一支歷馬家坪申酉坪至

毛葺河止焉由毛田雪岩嶺一里坡青里壩里七堖左

旋由高店子循野山河而南中抽一支由廣福橋短矮

屋紅岩寺南行花菓坪清江河止焉由一里坡中坦坪

建始縣志

卷之一 形勝

又十五

活水坪西至汪家寨由毛田中分一支循桐蔭陽坡而
止此則東行一枝之大畧也其中一枝自獅子巖盛竹
園猿吊水循桐木溪而南劈分嫩枝歷冬瓜寺長梁子
蜿蜒起伏介乎兩河之間謂前河由黃土坎之西山中

抽一枝歷趕龍壩循兩溪河而南至馬水河止焉由板

橋子中抽一枝歷畫眉洞文治山為城垣左護自五老

山中抽一枝由麻城寺跌落忽起一坪即松坪作貪狼星

體環繞城北如屏障然俗名鮑自昔施作義地吉曜變

西風水攸關宜永行禁止由五老山西行至連珠山右

旋厯天池寺永興寺落平山形圓秀為城池作岸自五老峯跌落聯起小突作覆釜形對峙如門俗呼石鼓門側烟南行右旋至紅土坪起巨門星體跌落入平至文廟起一小坪作圓金星體旁側□東行復作金星起奎星閣

文昌宮地勢東行倒地作木星起五陽書院面對文山俗名筆架山最為秀整復抽嫩枝鋪面作土星結衙署子午

兼癸丁山向隨龍小水自西方入坎由營盤穿城入支澆河由石鼓門支流一道自乾入坎貼城入河環其東

建始縣志

卷之一 形勝

十六

茨河由戌乾入酉貼城入廣潤河繞其西廣潤河南又小河一道名交養河與廣潤河交匯入巽曲折東南與馬水河會建始城池羣峰環合四水交流結構天然洵為佳勝但天池寺寶塔山形剛硬均嫌逼削猫子山俯而下瞰正當先天兌位亦屬凶曜準以五行生尅制化之義猫形屬金宜水以洩之火以尅之再四山高聳城池居下扼險設伏預防未患是又在精於青烏家之圖度云

表景暉臆說

五陽之地楚蜀咽喉

建始縣志

卷之一
形勝

十六

建置志

設險守國則城池重貯穀備荒則倉廩重蒞官聽治則衙署重禦暴利涉則關梁重之數者之在建邑其不足比於大都名邦也多矣然有其舉之規制罔替百廢俱興之

朝即荒陬而可見一斑也志建置

城池

縣城前明正德初夔州府知府吳潛壘石為城周圍五百五十文計三里有竒後屢遭兵火坍塌殆盡今東西

建始縣志

卷之一 建置

十七

門畧存基址西南城牆尚有存者城門四東曰峻瞻星閣西曰竒曠仙蹤南曰雄帶河流北曰秀接巫峯明邑今姚服璜創置樓雉百度一新見荊州府志另有傳新補入

衙署

縣署在城中央昔皆草房後漸易以瓦乾隆二年武公怡請領公項增修三十九年吳令森詳請借廉重修頭門三間二門三間東西書吏房六間大堂三間二堂三間三堂三間廚房二間書房六間門房二間圍牆共九

十九丈五尺西科房坍塌久矣道光辛丑年重修
縣丞署在大岩額乾隆五十年奉文修建五十六年冬
請領現估銀兩旋即興工閱本年秋告竣
儒學署在西門內雍正九年知縣武怡訓導岳爾藩暨
紳士捐修大堂三間內廳三間廂房一間頭門三間後
周以土垣乾隆三十二年訓導段枝萃及闔學生員復
加修葺

典史署在縣署左舊係主簿衙基

國初裁汰雍正九年始設典史縣令武怡詳請項重修後

建始縣志

卷之一 衙署

十八

復坍塌乾隆三十四年典史亢嗣基捐資重修四十五
年典史沈鈺詳請借廉重葺今大堂三間二堂三間住
屋三間今圯廚房二月廂房二間衙皂房四間

倉廩

常平倉在縣署內右偏舊係典史衙基康熙五十五年
改造常平倉六間雍正九年增修五間道光二十一年
改造十二間比前較高廣下用石礫二百兩頭中間另
修磚牆以防傾欹貯穀四千石

石舊驛社倉在蒲塘溪現貯穀二百五十二石六斗九升四合
倉廩自□□□□□□□□百餘年矣廩宇傾□

不可終日道光辛丑余稟請發帑重修

倉神祠嚮在倉房大門偏左僅半間短椽狹隘且嫌
敝漏矣今改置倉房東北隅向南增以三間上以
妥神靈下俾守倉丁役獲有棲止也是為志

道光庚子余捧檄來守是邦接篆後見三堂左右
墻壁崩頽院宇東西鞠為茂草憮然者久之繼閱
倉房之朽壞科屋之坍平各神祠之破漏刻難釋
然於懷盖前歷數任皆係署事或暫時攝理且缺
本瘠苦未遑籌畫也余甫經蒞任公私蝟集又承

前五任交盤今春復迭辦大差竭蹶從公寤寐心
悸幸賴邑中紳士同力幫扶俾免隕越兼值時和
上春藉修倉帑項鳩工購料各神祠宇暨倉房衙
署得次第興修雖署中屢告空乏予弗之顧也自
庚子夏迄辛丑季秋功將告竣私心竊慰焉爰志
之非敢侈陳修舉廢墜亦有司之責也庶以補吾

過云爾

以上各役邑監生謝世英暨其弟世懋入山購木自春徂秋督工監修
皆姪婿萬德榮來署亦共葺厥事焉

庫在縣署右庫書一名

脩理衙署暨 各神祠宇

外圍牆三十二丈 重修

文廟 道光二十四年畧加補修

櫺星門 二十四年重建

武廟

崇聖祠 二十四年拆修

先農壇 二十二年重建

倉神祠 二十一年新建

龍神祠 補修

土神祠 補修

建始縣志 卷之一 關梁

二十

以上各神祠宇均係捐廉修建 景暉敬誌

關梁

建陽關 治南二里 石門關 治東一百二十里

野山關 治東一百三十里 石乳關 治西一百二十里

通明橋 治南一里 通進橋 治北門外

惠遠橋 治南門外道光二十年邑監生謝世英捐修並捐園地一區 指陽橋 治北一里

宣化橋 治北門外 板橋 治北十里

烏龍橋 治北二十里 石曼橋 治東一百二十里

普濟橋 在野山河治東一百三十里係恩邑 聯珠橋 治北一百六十里道光二十二年邑監生余明新捐修

外圍墻三十二丈重修

倉神祠三間新建

文廟櫺星門

先農壇道光二十二年捐廉重建

龍神祠

土神祠以上補修

關梁

建陽關治南二里

石門關

治東一百二十里

野山關治東一百三十里

石乳關

治西一百二十里

建始縣志

卷之一 關梁

二十

通明橋治南一里

通進橋

治北門外

惠遠橋治南門外

道光一十年邑監生謝世英捐修橋南並捐園地一區

指陽橋治北一里

宣化橋

治北門內

板橋治北十里

烏龍橋

治北二十里

石曼橋即石門橋

治東一百二十里

普濟橋

在野山河距縣治東一百三十里

聯珠橋

治北一百六十里
監生余明新捐修

文治橋在羊乳河距縣治東北一百二十里

摘星橋治北二十五里
襄政橋治東六十里

迎恩橋

今圯

毛茸河橋

今圯

豐樂橋

文治橋

一在羊乳河治東北

摘星橋

治北二十五里

襄政橋

二治東二十六年十建道光

迎恩橋

治南門外今圯

毛茸河橋

今北

豐樂橋

義渡

龍駒河渡船一隻道光二十二年鹽知事謝世英監生

毛文蔚張永福劉文禮劉鎮林謝世聯懋捐建

馬水河渡船一隻衆姓捐脩

清江河義渡船一隻係向姓捐脩

野三口義渡船一隻係監生黃志松文生向習之捐脩

建始縣志

卷之一 關梁

二十一

學校

孔子集羣聖之大成繼往開來實萬世學校之統宗也邑舊志學宮列祀典門究未允洽茲謹遵府志於

國朝

欽頒

御製書廟額碑文書籍列於篇首次學宮而學署書院義

學義田附焉

欽依刊立卧碑

順治九年頒乾隆四十三年知府汪獻琛勒石

建始縣志

卷之一

學校

二十一

御書萬世師表題額

康熙二十三年

御製訓飭士子文

康熙四十一年

上諭加封孔氏五代改啟聖祠為崇聖祠

雍正元年

御製

聖諭廣訓

雍正二年

御書生民未有題額

雍正三年

上諭避孔子聖諱

雍正四年

奉

旨頒發平定青海告成太學碑文

雍正六年

御書與天地參題額 乾隆元年

欽定樂用六佾設樂舞生四十名免府縣試 乾隆五年

欽頒祭祀樂章 乾隆九年

奉

旨頒發平定金川告成太學碑文 乾隆十四年

奉

旨頒發平定準噶爾告成太學碑文 乾隆二十年

奉

旨頒發平定回部告成太學碑文 乾隆二十四年

建始縣志 學校 卷之一 二十二

奉

旨頒發平定兩金川告成太學碑文 乾隆四十一年

恩詔增廣學額大學加取五名中學加取三名 乾隆六十年

恩詔直省儒學增廣學額一次大學加取七名中學加

取五名小學加取三名 嘉慶元年

御書聖集大成題額 嘉慶四年

恩詔直省儒學增廣學額一次大學加取七名中學加

取五名小學加取三名 嘉慶二十五年

御書聖協時中題額 道光元年

恩詔直省儒學增廣學額一次大學加取七名中學加
取五名小學加取三名道光元年
頒發學宮經籍

日講四書

周易折衷

書經傳說彙纂

詩經傳說彙纂

春秋傳說彙纂

三禮義疏

建始縣志

卷之一

學校

二十三

孝經註

性理精義

十三經註疏

二十一史

明史

朱子全書

通鑑綱目

資治通鑑綱目三編

唐宋文醇

淵鑑古文

四書文

學宮原在縣城西門外元大德間建洪武七年重修
明末圯後土人於地中掘得

先師銅像掘時像係東向遂建廟向東康熙十二年知
縣譚性學改建治北二十四年知縣吳季芳重修三
十年知縣史晟復改建於城西北隅仍東向四十六
年知縣劉珙徵雍正十年知縣武怡乾隆十八年知
縣邱岱屢經補修三十三年知縣嚴錫統畧加修葺

建始縣志

卷之一

學校

二十四

四十八年署知縣陳瞻燧捐廉倡率士民悉加修理
大成殿

先師銅像座下鑄七十二賢像

東西廡

大成門

泮池

櫺星門

名宦祠在大成門左

鄉賢祠在大成門右

崇聖祠

明倫堂在

大成殿左乾隆十八年建

學署在舊節孝祠右

泮池週圍紅牆院內丹桂二株蔚然葱秀開時花香

馥郁亦百年物也

學額

文學八名

武學八名

建始縣志

卷之一

學校

二十五

廩生二十名

增生二十名

乾隆三十六年部議□□施南府屬建始縣學原額

八名內減一名撥入府學

嘉慶十一年部議湖北巡撫瑚圖禮等奏請建始縣

復還學額一名文武童生各取進八名

學田

城內學宮前共田大小十六坵每年租穀陸石陸斗

又田二坵租錢伍千文

一在北鄉茅草埧水田一分每年稞租十四石零二共學田四十畝零三分完糧七錢

書院義田乾隆二十八年文常久捐置趕龍埧水田八斗又卜角埧水田七斗基地十處共收稞谷京斗拾陸石書院門首水田二斗田九坵每年稞谷京斗拾壹石貳斗又地稞錢拾千文乾隆二十八年知縣余本置買西鄉後灣水田一分每年稞谷拾壹石嘉慶二十五年書院勒有碑記

徐家灣田係于士上于士周于士同兄弟捐納當田

一處田二契共錢壹百七十千文每年稞錢捌千文墨漆埧譚延孝納當價錢一百四十千外捐錢捌千文

上店子官山一處向被民人侵改作田知縣徐步雲清理歸入義學計田七十二坵每年租穀陸石勒有碑

一文昌宮水田一分坐落上埧舖嘉慶二年饒成萬同姪盛滢捐大小共十二坵子種六斗隨糧六升六合稞八石

一文昌宮舊址山田一分每年納稞錢叁千叁百文
一城內北街舖屋一所每年納租錢肆千捌百文二
共租錢捌千文給廟夫收領看守香火之資碑俱存
東關外老文昌宮內

一文昌宮水田二契一坐落中坳一坐落廣家冲係
嘉慶十五年首士饒學忠龍廷獻黃宗緻等承買大
小共十二坵子種壹石貳斗隨糧共三斗二升八合
稞拾石內除五斗敷送稞費用實收九石五斗

嘉慶二十五年值事鄭宜蘭李正鋆李如桂范啟端

建始縣志

卷之一 義田

二十七

傅南川陳杰孫學炳龍在升八人勸捐李大植槐柄陳知

新朱懷璋劉文錦謝昭璉李茂桂楊興隆楊昌禮蔡

宗璜劉大愷余開瑚曾鳳程福五彭國光吳士安羅

鶴齡張一全共買西鄉小李溝水田一分價值錢貳

百柒十二千文每年租谷拾壹石

道光七年邱裕雯黃玉瓏黃志森黃宗緻黃玉春羅

鶴齡唐佐清唐懷準李流琦李芳慶李如桂共買小

河邊田一分價值錢四百千文每年收租錢伍拾千

文除用費外生息十四年買邱德芳衙墻後田房一

所價值錢九十千文每年收租錢叁千二百文十八年買趙孟吉滕家灣田地一處價值錢壹百肆拾千文每年收租谷玖石零二十年買黃修和冬瓜溪水田一分價值錢壹百捌拾千文每年收租谷肆石貳斗又二十年買潘正德楊橋溝田地一分蕭紹光原施當價錢五十千文找錢拾五千文共價六十五千文每年收稞谷貳石五斗

道光七年署知縣鄭偉撥北關外上店子田一分歸入書院又斷歸三溪河山地一分入書院

道光九年買劉鄭氏柳池塘水田一處價值錢拾肆千文

道光二十年監生余新明捐施山田四契坐落曹家壩崔家灣官田坪等處約價值錢壹千叁百千文每年佃戶認納雜糧合大斗拾壹石外租錢拾伍千文並歸五陽書院以助膏火

道光二十年邑民楊正文捐施羅家壩基地房屋一所價值錢壹百貳拾千文每年收租錢壹拾壹千貳百文

監生余新明捐田書院以資膏火詳冊

建始縣為詳明捐田書院以資膏火事竊照經正民興端歸學校育材作士尤賴甄陶膏火者甄陶中之一事也疊奉

憲檄以整飭士習為先務。○於五月到任後查縣城舊有五陽書院創自卑前縣邱名岱迄今九十餘年堪作肄業之區近來每逢課試生童日衆膏火缺如。○時與首士貢生李如桂廩生范啓端等籌議勸捐茲據監生余新明情愿將伊父所買汪遠貴坐落古樹塘田

建始縣志

卷之一 義田

二十八 二

地價銀一百二十八兩買趙亮國坐落崔家灣田地價錢二百七十千買鄧長龍等坐落曹家坵田地價錢二百八十千買張守禮坐落曹家坵田地價錢二百六十八千又瓦屋一所價錢四百六十四千其田均交佃耕種分稞每年豐歉不一計所分稞穀照市價易錢六七千不等捐入書院以資膏火又據民人楊正文情愿將自置街房地基一所價錢一百三十千捐入書院具稟前來業由。○賞給匾額當經諭令該生眼同書院首士李如桂等照契晒明界址歸入書院經管收稞俾

獎勵有資生童奮勉實屬有裨學校該監生余新明所
捐田地一契價銀二百一十八兩其餘各契並瓦屋計
價錢一千二百二十千文總共合銀一千五百兩洵屬
急公嚮義查例載各省地方遇有公事士民捐銀一千
兩應

題請從優議叙以示獎勵理合具文通詳

憲台俯賜查核批示飭遵除詳

撫院暨藩督部堂憲外為此備由申乞

照詳施行須至申冊者

建始縣志

卷之一義田

二十八三

右 申

督 撫 藩 巡 府

道光二十年十一月二十六日奉到

府憲顧 批據詳監生余新明民人楊正文各將田房
捐入書院以作膏火之貲誠屬急公好義余新明捐項
已在千金以上既據通詳定荷具題從優議叙仍候
各憲批示繳

道光二十一年二月二十五日奉到

府憲顧 為錄批札知事本年正月二十一日奉

藩憲孫 批據該縣通詳監生余新明捐田四契歸入
書院以作膏火一案緣由奉批據詳監生余新明民人
楊正文捐輸田畝房屋以助五陽書院生童膏火之用
洵屬善舉仰施南府查明確實照例取造事實冊結詳
司核辦至所捐田房自應妥議收支章程通詳立案按
年造冊報銷以垂久遠均毋違延切切
道光二十二年四月二十六日奉到
府憲顧 為札飭事案奉

藩憲劉 批本司詳建始縣監生余新明捐輸田房歸

建始縣志

卷之一

廿八

四

入五陽書院膏火請

題議叙一案奉批仰候

撫部院查核會

題繳冊結存又於初八日奉

撫憲趙 批仰候會核具

題仍候

督部堂批示繳冊結存送

道光二十一年議定章程每歲公舉首士數人管理書院錢穀出入按月兩課定期於初一十五日考取超等者賞給膏火銀貳錢列在特等前捌名者賞給膏火銀壹錢至院長束脩向無定額今酌訂每年拾千文由官延請品學端正之士為之主席

建始縣為再行專札嚴催事案奉

憲臺札奉

藩憲

札開

云

等因奉此

卑職

遵查

卑

縣於道光二

十一年三月內據貢生李如桂等呈請重修書院添建考棚當經批准倡捐去後衆心踴躍樂輸卑職隨於是年十月內督令興工具文通報在案仍派令首事貢生李如桂候選州判陳知新廩生范啟端何曉山陳開均生員劉衡坦何光國何尊楷監生黃志森文童范佑淳等經理卑職亦隨時親往督修建立講堂三間東西肄

建始縣志

卷之一

廿九

業房各一間內修院長住舍房三間東西肄業房各二間均裝木櫺扇院內均用青石鋪砌講堂後修捲樓亭閣一座前修東西房共八間頭儀門各平列三間齋夫住房一間儀門外修八角亭一座左右各修廊房一間以為書吏辦公之所講堂前後大小坍塌四個中修石勘甬道週圍廊簷俱用石條修砌講堂西圍牆內另修射圃官廳三間中修亭閣一座作為習射之所尋常亦堪肄業前修箭道對面修迴廊四間講堂東圍牆內修倉房二間對面修廚房一間前後房屋共四十一間

大堂院東西植丹桂二株

係道光二十二年仲春日植

二堂東院嚮南瓦屋三楹中為接見賓客之所尋常亦於此治事焉東一間為繕理文書稿案之所暇則繙閱經史顏曰慎思齋東甃一台上植竹卉之類院南屋三楹為厨屋

二堂西院瓦屋三間為幕師批閱文書稿案之所其南院舊有絳桃一株花時紅芳盈院樹南屋三楹屋南另闢一小院雜植鳳仙菊蕙之類額曰含芳書屋

三堂三間東甃一台上植竹桃之類題曰怡情小圃

另有叙

建始縣志

卷之一

衙署

又十九

三堂後園隙地四時雜種蔬菜可供盤餐亦可娛目
三堂西院瓦屋二楹院內亦間植花卉西牆外有池一口方圓約七八尺半以養魚半以種蓮且儲水亦以禦火傍豎小石刻曰鑑池 其西北隅有老柳數株春夏之交垂絲掩映魚鳥游翔亦足博達觀之一助云

有古風

池南新建倉神祠三間棟宇爽塏南嚮筆架山端巖秀麗內西一間作內書房額曰養正軒東一間額曰蕉葉軒外砌方池上種芭蕉竹木之類

內添書房一間

西科房四間

重修

儀門三間內

週圍牆垣一道計長五十二丈頭門外修東西轅門各一座照牆一面東西號舍內修製石脚號棹長一丈六尺共六十四張石脚號橙六十四條均用堅厚木板勘定以上各工均於四月初十日一律完竣茲奉札催除將買備磚瓦木料及各工用過錢數建修圖說另行造冊詳賚外合將重修書院添建考棚射圃完竣緣由先行具文詳請

大人 憲臺 俯賜查核再查西圍牆外舊有

文昌宮基址

建始縣志

卷之一

廿九

奎星樓一座業經頽壞並諭該首事等於修理書院所捐餘資重建正殿三間
啟聖宮一間左右廊房二間以昭
祀典補修

奎星樓一座添修圍牆一道計長一千六丈總估計磚瓦木料工匠合錢四百五十千零俟工程報竣再行申報合併陳明除詳

督撫部院 憲外 為此備由申乞

照詳施行須至申冊者

建始縣重脩五陽書院添建考棚詳冊

建始縣為詳明事竊照。縣山僻小邑向無考棚僅設有五陽書院一所創自乾隆年間迄今歷年久遠日就傾頽至每屆歲科之年係就縣署為扁試之所角藝者既鮮几席之安校士者亦乏闕防之密茲據廩貢生監李如桂陳知新范啓端何光國黃志森等稟稱將五陽書院改造重脩添建講堂三間院長住房三間肄業書房八間東西號舍共八間頭儀門各平列三間週圍高厚墻垣置脩棹欂約計磚瓦木料工匠等項估計需錢

建始縣志

卷之一

三十

二千餘串常則為肄業之區考則為校閱之所洵屬兩益奈工程浩大必須衆共捐輸始克蕝事等情前來當傳詢該紳士等均屬樂從未便阻其急公嚮義之心。即先捐廉為倡旋據士民等漸次樂輸已有錢四百餘串鳩工庀材擇於十月初十日動工興脩所有出入錢文及置買木料磚石等項悉由公正首士躬親經理不許胥吏涉手以杜剋扣侵蝕勒派等弊。仍會同。縣訓導嚴垣不時親往督率脩理容俟工竣再將經理首士捐輸姓名數目開具清摺另行詳請獎勵外所有捐

修改造書院添建考棚緣由合先具文詳請

憲台俯賜查核除詳明

撫督學 憲暨 藩 外為此條由申乞

照詳施行須至申册者

道光二十一年十二月 日奉

本府顧 批據該縣貢監生員首倡勸捐添修書院以
作考棚洵屬好義急公殊堪嘉尚仰即飭令該首士等
妥為經理務期工歸實用該縣仍不時親往查察毋任
侵漁滋弊一俟工竣造册詳辦切切仍俟

建始縣志

卷之一

三十一

各憲批示繳

道光二十一年十二月 日奉

學憲朱 批據詳已悉仍候

兩院批示繳册存

道光二十一年十二月 日

施南府正堂顧為札飭事道光二十二年二月二十三
日奉

藩憲劉札開本年正月二十三日奉

督憲裕 批據建治縣通詳廩貢生監李如桂等重修

書院以作考棚興工日期一案奉批仰北布政司飭即隨時會同親往督修一俟工竣即行照例詳辦仍候
撫學院批示繳又於二十五日奉

撫憲趙 批仰布政司轉飭該縣督率士民認真修理毋稍草率仍候事竣開造捐輸姓名詳請獎勵並

督學部堂院堂 批示繳各等因奉此合行札飭札仰該府即便

轉飭遵照督修一俟工竣即照例取造捐輸姓名冊結詳司核辦毋違此札同日又奉

藩憲劉 批同前由奉批據詳捐廉首倡并勸諭紳士

建始縣志

卷之一

三十二

樂輸重修書院添建考棚殊堪嘉尚仰施南府轉飭趕緊興修一俟工竣取造捐輸銀數冊結詳請議叙以示鼓勵仍候

兩院憲暨巡道批示繳又先於二月初二日奉

巡憲溫 批同前由奉批據詳廩貢生監李如桂等重修書院並作考棚經該縣倡捐士民踴躍從事如此整飭學校必能丕振文風實堪嘉尚仰施南府即飭知照仍候

各院暨 藩司批示繳各等因奉此合行札飭札到該

縣即便遵照一俟工竣即照例取造冊結具文賚府以
憑核明加結申賚核辦毋違此札

道光二十二年二月 日

計開

重脩五陽書院添建考棚間數並製什物等件數目

講堂三間顏曰尊道堂額聯

慎五典親九族溯虞夏商周迄於盛世心法治法道會源流此外別無學問

歸篤行正六儀由黨庠序達於澤宮德成藝成功敦三實其間自有鈞衡

東西牆壁刻規戒各條東西肆業房各二間講堂後捲樓

亭閣一座內齋房三間東西均裝木櫺隔扇其上均裝

建始縣志十六塊共前脩東西號舍房八間頭儀均用青各平列

三間齋夫住房一間講堂前後大小坍塌四個均用青

建始縣志 卷之一

三十四

中脩石勘角道儀門外脩八角亭一座頭門左右各脩

廊房一間以公書吏西圍牆內脩射圃官廳三間尋亦可

肄業顏曰聯珠堂南北二池泉水噴出如珠顏曰大珠泉小珠泉中脩亭閣一座額聯

賢者無此爭前脩箭道對面脩迴廊四間東圍牆內脩

廚房一間倉房二間前後房屋共四十一間廊簷均用青石鋪砌

周圍牆垣一道頭門外脩東西轅門各一座照牆一面

棋杆一對號舍內脩理石脚號棹六十四張石脚號

橈六十四條計長一丈六尺均用堅厚木板勘定面用油漆係貢生李如桂廩

生范啓端何曉山陳開均生貢劉衡坦五人捐製堂號

條棹共八張齋房內木炕一個脚櫬兩個方几八張
工料
圓几伍拾張圓桌一張方桌四張小條棹四張

建始縣黃中理捐脩社學義田道路並書院詳冊
建始縣為願捐義田設立社學以興學校事竊照經正
民興端歸學校育材作士尤賴師儒疊奉

憲檄以整飭士習為要務。縣地處山僻向無義學往
往聰敏之士有志上進因家道貧寒坐甘失業實堪憫
恤。每於因公下鄉勸諭紳耆設立社學以廣作育茲
據文童黃中理稟稱願在東鄉大水田地方設立義學
一座獨力置買田地一分去價錢四百五十千文並於
田內脩置瓦屋三間東西兩廂肄業房四間門樓一座

建始縣志

卷之一 社學

三十六

圍墻一道估計磚瓦木料工匠該錢二百五十千文均
經趕緊脩理其田招佃耕種收租每年獲錢三十餘千
以作延師束脩之資又據該童稟稱情有巴建交界之
三磴岩地方係屬通衢大道路徑險峻行旅維艱獨力
捐脩石路又將羊乳河南北兩岍估計工匠四百工脩
理石路當批飭該處紳耆約隣確切稟覆旋據廩生鄧
逢年田道宣等稟同前由。親詣查驗並無虛捏惟羊
乳河兩岸石路暨社學肄業房門樓圍墻尚未完工俟
工竣後勘明核實再行申覆。伏查該文童踴躍急公

樂善不倦在山中尤為難得查例載各省地方遇有公事士民捐銀一千兩者應

題請從優議叙今文童黃中理獨力捐設社學脩理道路估計錢一千四百串文與例相符相應具文詳請
憲台俯賜查核批示祇遵除詳

撫督憲暨 巡藩憲外為此備由申乞

照詳施行須至 申册 者

施南府正堂顧 為札飭事道光二十二年二月二十

建始縣志 卷之一 社學

三十七

三日奉

藩憲劉札開本年正月二十三日奉

督憲裕 批據建始縣通詳文童黃中理獨力捐設社學脩理道途一案奉批仰北布政司查明議詳仍候

撫部院批示繳又於二十五日奉

撫憲趙批查該童生黃中理獨力捐設義學脩理道路共輸錢一千四百千實屬急公好義仰布政司轉飭俟各工完竣取造册結加結通詳核辦仍候

督部院堂 批示繳各等因奉此合行札飭札仰該府即便

轉飭遵照一俟工竣即照例取造冊結詳司核辦毋違此札同日又奉

□憲劉批同前由奉批據詳文童黃中理獨力捐設社學□理道路共用錢壹千四百串文洵屬可嘉自應照例從優議叙仰施南府轉飭遵照一俟完工取造捐輸冊結詳司核辦毋違仍候

兩院憲學暨巡道批示繳又先於二月初三日奉

巡憲溫批同前由奉批文童黃中理獨力捐設社學脩理道途種種義舉實屬急公好義樂善不倦洵堪嘉

建始縣志

卷之一 社學

三十八

尚既據通詳仰施南府飭候

各院暨藩司批示錄報繳各等因奉此合行札飭札到該縣即便遵照一俟工竣即照例取造冊結具文賚府以憑核明加結申賚核辦毋違此札

道光二十二年二月 日

建始縣為再行專札嚴催事案奉

憲台轉奉

藩憲朱札開云云等因奉此。縣疊奉札檄不次飭催因該童黃中理久病未愈無人董理以致耽延去歲十

月據該童稟稱已經病痊隨購覓各工在自置三元埧地方脩理社學一座捐施義產一區又於三磴岩羊乳河兩處道路補脩以便行旅各工均已完竣又於五陽書院捐錢二百四十串以助各工用費現交書院首事李如桂等領收具稟前來隨即查取該童年貌籍貫履歷事實親供圖繪貼說捐用錢數及戶首隣佑各冊加具□結具文申賚
憲台俯賜核轉為此脩由中乞
照詳施行須至申者

建始縣志

卷之一

社學

三十九

建始縣為願捐社學置買義田補修道路捐助書院各項用過錢數理合開造清冊呈
核須至冊者

計開

一置買義田一分去價錢一千一百五十串每年獲租稻穀雜糧四十餘碩變價四五十串文不等以作社師束脩之費

一修理杜學一座講堂三間中脩亭閣一座左右坍塌二個前脩肄業房三間廚房一間樓門一座周圍墻垣一

道計長二十四丈木料磚瓦土石油漆几櫬什物各項用過錢五百八十四串又買社學地基一區去錢五十串文

一補修巴建交界之三磴岩並羊乳河兩處道路運土石各工用過錢二百七十三串

一重脩建邑五陽書院捐錢二百四十串以助各工用費
以上各項共用過錢二千二百九十七串合銀二千二百九十七兩並無虛捏理合登明

右具

建始縣志

卷之一 社學

四十

册

文生黃光鬯捐修社學義田道路詳冊

建始縣為願捐義田設立社學以興學校事竊照經正民興□歸學校育材作士尤賴師儒疊奉

憲檄以整飭士習為要務^卑縣地處山僻向無義學往

往聰明□士有志上進因家道貧寒坐甘失業實堪憫

恤^{卑職}每於因公下鄉勸諭紳耆設立社學以廣作育

茲據邑庠生黃光鬯稟稱願在治南金鶯子店地方將自置山地設立義學一座建修講堂三間東西肄業房四間院長住舍房二間厨房一間中修亭閣一座左右

建始縣志

卷之一 社學

四十一

坍塌二個前修樓門一座週圍墻垣一道計長二十餘丈估計磚瓦木石工匠等項約需錢四百六十餘串並置買山水田地一分去價錢一千二百八十四串招佃耕種每年計獲租京碩稻穀包穀共四十餘碩變價四五十千不等以為延師修金之費又於建邑南關外自小河邊起抵至恩邑所屬之大灣地方止向係由建至巴東宜昌往來孔道計長四十里山路險峻舊有石路歷年既久多有崩坍一經雨雪行旅維艱生願獨力捐貲購覓石工鑿求石板灰土一律補修約用錢八百餘

串呈請批示立案等因具稟前來當批飭該生遵辦去後旋據該生於本年正月初九十二等日均經次第開工卑職親往查勘無異查例載各省地方遇有公事士民捐銀一千兩者應題請從優議叙今該生黃光鬯獨力捐設社學置買義田修理道路共用錢二千六百餘串合銀二千六百餘兩與例相符一俟各工完竣再行詳請憲恩咨請議叙謹將該生獨力捐設社學修治道塗開工日期理合具文詳請

建始縣志

卷之一 社學

四十二

憲台俯賜查核批示飭遵除詳

督學部部
憲院堂

暨藩憲外為此備由申乞

照詳施行湏至申册者

道光二十三年三月十一日

本年四月初三日奉

府憲馬 批該生黃光鬯獨力捐資設立社學修治道途實屬好義可嘉之至一俟工竣即速勘明詳候轉請議叙以示鼓勵仍候各憲批示此致

又五月二十五日奉

府憲馬轉奉

□憲朱 批據該縣通詳生員黃光鬯獨力捐修社學置買義田修理道途一案緣由奉批據詳生員黃光鬯獨力捐設社學置買義田修理道路共輸錢貳仟陸伯餘串洵屬急公好義自應照例從優議叙仰施南府轉飭□照一俟各工完竣取造捐輸冊結詳司核辦毋違仍候

兩院學

憲暨

守道批示繳又先於五月初几日奉

建始縣志

卷之一 社學

四十三

巡憲李 批同前由奉批據詳已悉仰施南府飭候

各院暨 藩司批示繳又五月二十五日奉

藩憲朱 札開道光二十三年四月十九日奉

督部堂裕 批據建始縣通詳生員黃光鬯獨力捐修社學等項一案奉批據稟已悉仰北布政司轉飭遵照一俟各工完竣再行確查照例詳辦仍候

□部學

院批示繳又奉

撫部堂趙 批仰布政司飭俟各工完竣再行確勘繪圖貼說通詳核辦仍候

學部堂 批示繳又六月二十二日奉

學憲朱 批據詳已悉仍候

兩院批示繳各等因奉此合亟札行爲此仰即轉飭遵照趕緊修理一俟各工完竣即照例取造捐輸冊結繪圖貼說詳司核辦毋任違延切切此札

道光三十三年五月 日

建始為詳明續捐義地添備社學膏火事據卑縣生員黃光鬯稟稱生於去歲在治南金鶯子店地方將自置山地一區建修社學一座共用錢四百六十八串六百

建始縣志

卷之一 社學

四十四

文捐置義田一分坐落土名于家坵大小三十一坵去價錢一千二百八十四串招佃耕種每年獲租稻穀京碩四十餘碩約變價四五十千不等以作延師修金之費又從治南小河邊起至恩邑所屬之大灣地方止計長四十里補修道路僱請管賬監工工資錢四十串共用錢八百四十九千四百四十文自去歲正月初九日興工至六月初三日一律完竣已沐詳明

各憲委員詣勘在案本年社學延師訓課生徒日集前捐義田不敷所用茲生願將自置太平山地方山地一

分原去價錢五百五十串一併捐入社學招佃耕種每年可獲租包穀京碩十八碩餘約變價三十餘千文聊佐添補膏火不敷之需理合呈繳印契懇併立案等情據此卑職查該生黃光鬯前次獨力捐設社學並捐義田修治道塗共計輸錢二千六百零二十四文業經詳奉委勘在案茲該生復因社學生徒日集恐前捐義田收租不敷所用續將自置山地一分價值五百五十串稟請捐入社學以資膏火之需繳契具稟前來卑職覆查該生前後捐項共計合錢三千一百五十二千二

建始縣志

卷之一 社學

四十五

百四十文洵屬樂善不倦除批准立案另行併案造冊詳請

憲台題請議叙外合將續據捐輸緣由具文通詳

大人 憲台 俯賜查核批示飭遵除詳

學撫部憲 暨 藩憲 憲外為此備由申乞

照詳施行須至申冊者

道光二十四年三月初四日